



D. J.



Teol. 5197.

Kargolewski Marci Antonii. Asylum famae  
periclitantis d. Joannes Nepomucenus.







# ASYLUM

Famæ periclitantis

D. JOANNES  
NEPOMUCENUS

*Metropolitane Ecclesie Pragensis*  
CANONICUS

Thaumaturgus, Martyr, Christi Regni Bohemiæ & famâ  
periclitantium Singularis



PATRONUS.

*Dum*

Confraternitas Literatorum sub Titulo Assumptionis B. V. M.  
Solennes gratiarum actiones D. T. O. M. pro Decreto Ca-  
nonizationis Ejusdem Sancti publicè in Ecclesia S. Adal-  
berti in Circulo Cracoviensi perageret.

*A*  
M. MARCO ANTONIO KARGOLEWSKI  
in Alma Vniversitate Cracoviensi Phiæ: Docto-  
re & Professore devota Panegyri.

DEMONSTRATUS

ANNO quô

Genus humanum Cælesti Asylo protectum  
1729. Die 5ta Martij.

CRACOVIAE

Typis Iacobi Matyaszkiewicz S. R. M. Typographi.



In  
Stemma Gentilitium Domûs  
**G A R L I C C I A N Æ**



1<sup>um</sup>:

Stemmatîs in facie fulget **GARLICCIA** Staffa  
Si petitur quare? stemmate causa patet.  
En patitur sævos hostes Ecclesia multos  
A quibus haud etiam, Lechia tuta manet.  
Staffa notat Sacros Templi Patriæq; fideles  
Propugnatores, quos fovet ista Domus.

Nicolaus Awedyk  
Auditor Rhetoricæ.

2<sup>um</sup>:

**GARLICIANA** Domus felix quæ stemmatæ tanto  
Gaudet, tum mentis fertur ad Astra Poli.  
His meritis quoniam Cæli lætantur & Orbis  
Altiùs emineant candida vota fero.

Albertus Awedyk  
Poeseos Studiosus.




PERILLVSTRI  
&  
REVERENDISSIMO DOMINO  
STEPHANO  
de GARLICE

GARLICKI  
Ecclesiarum Chathedralis Kijoviensis  
CANONICO,  
Collegiatæ Woyniciensis Scholastico,

In  
DEBNO CVRATO, Domino D.

&  
Mecænati Amplissimo.

 *Utissimum fame periclitantis A-*  
*sylum, Thaumaturgus stupenda*  
*vite sanctimoniâ miraculorūq̃*  
*celebritate IOANNES, sa-*  
*crô Canonizationis sue decre-*  
*tô felix NEPOMVCENVSEX Oratoria*  
*presentatus exedra Tuis se insinuat manibus*  
*Mecænas Amplissime. Gratosus quippe No-*  
*A minis*



minis Illius Ethymus Tuis beneficiis super-  
additus factis bene correspondet Vox IOAN-  
NES cum Tuis vocalibus meritis aut sonan-  
tiora aut vocaliora faciet. Nec tantum ex Te  
est, quod apud Te hoc Celeste Asylum situari  
elegit cuius per antiqua Domus Tuæ compla-  
cuere fundamenta. Avitū Tuæ Domus Stre-  
porum Stapedum ab initijs per devia curren-  
ti Lechico Marti, coævum esse veterum e-  
xempla testantur; præsens sæculum venera-  
tur. Tua per augusta Domus Sarmaticam vel  
vindicare vel ejus tueri Famam sui mune-  
ris esse duxit. Nolo primas per amplæ Tuæ  
familie ducere lineas quibus sæcula in puncta  
abiēre. Nolo exanimatis Tuorum Præde-  
cessorum bustis Tuam animare famam, quam  
Tua merita post fata eorum superstitem fa-  
ciunt. Nidum Lechicæ Aquilæ revolvere  
viderer, si prima Tuæ Prosapie incunabula  
invenire attentarem. Non placet Tibi fumo-  
sis Antecessorum delectari imaginibūs, nec  
Tua esse dicis quæ Illi fecere, licet Tua sint.  
Ex Te ipso Atavorum Ideas legere quisq; po-  
test, quas in Te uno cum virtutum Cerussa fe-  
licior Nobilissimi Sanguinis colore delineavit  
Lucina. Tota se in te Parentum Tuorum  
trans-



transfudit probitas quorum Nomina cum fu-  
erint supra pennam humili non audebam at-  
tingere stylo, Sed cum Te loquor totum Illorū  
explico elogium. Magnum in Archivo Do-  
mūs Tuæ Clenodium magno pretio valorem  
Tui exornat, ad productam Familiæ Tuæ spe-  
ctans lineam Perillustis & Reverendissimus  
Dominus Dominus STANISLAVS BOREK  
Gnesnensis & Cracoviensis Canonicus vir sa-  
ctis Suis celeberrimus alta mentis Sapiencia No-  
vus nostri sæculi Apollo, collectarum Musarū  
Panthæon, Quem dum meritissimum vene-  
ror Prælatum penna in demissum abit stylum,  
tanto Nomini impar. Attollitur meritīs al-  
tioribus honorum insignibus Caput Ejus, quod  
Ille inter raræ modestiæ nubem condit. Inve-  
nient tamen honores hanc Ejusdem de qua cō-  
currunt virtutem, ut & Ejus Nomini & Tuæ  
Domus majorem efficiant plausum. Te attin-  
git primum Maternæ Lineæ punctum Perillu-  
stris olim & Reverendissimus Dominus CHRI-  
STOPORVS CHRONOWSKI Ecclesiarum Ca-  
thedralis Cracoviensis & Collegiæ Sando-  
miriensis Canonicus Magnus Tuus Mecænas  
Amplissime Patruus Trine Vavelli Coronæ  
Vnio præstantissimus cordium & animorum  
deli



delicium. Ex pollice Gygantem ex Te quan-  
tus ille erat quilibet metiri potest. Videndum  
erat animi gravitate conspicuum collecta eru-  
ditione stupendum Zelo Divini Honoris ar-  
dentem morum virtutumq; comitate Cælo  
placentem, cunctis fulgentem in exemplum.  
Hoc vix permittit meminisse dolor quod ava-  
ra fata tanto Vavelli coronas despoliarunt Cle-  
nodio ast hoc meminisse juvat quod eodem di-  
taure Cælos vivit in Te cui mori contigit ex  
squalidis mortalitatis ūbris ejus honorē Tua fa-  
cta faciunt emicare. Ampliavit Tuae Domus  
processū Illustris olim ac magnificus CASIMIRUS  
CHRONOWSKI Venator Podlachiae stupuit Le-  
chia mutatum in Casimiro honorem cujus se-  
natūs hostes Patriæ erant quos feras esse pu-  
tauit, quia in Patriam efferos. Bellonæ illi  
stadium erat non Dianæ qui maluit ex præda  
hostili quam ex Venabulo non postremam per-  
petuantis famæ portionem posteris sæculis præ-  
parare. Magnam Gloriæ Tuae partem quia  
singularius Domus Tuae per augustæ fulcrum,  
Illustrem ac Generosum Dominum ANDRE-  
AM de Garlice GARLICKI Fratrem Tuum  
Germanum venerabunda penna humili inbo-  
at delineare stylo. Hic Vir sole publico di-  
gnus



gnus, honores mereri mavult, quam habere.  
Et videri meritis, quam honoratus. Dotes  
animi singulariores Illi natura donavit inge-  
nium expolivit facta appetiarunt Si præstan-  
tior laus est Principibus placuisse viris Ille  
cor Magnatum est Et magnorum Lechiæ Ca-  
pitum ocellus. Morum Ejus affabilitas plus  
quam Magnetica vi, etiam ferreum si esset at-  
traheret cor. Virtus Ejus quid non potest cū  
Principum expugnat affectus. Magnatum a-  
morem sibi in triumphum ducit naturam sibi  
devincivit à qua, tot Et tanta corporis Et a-  
nimi recepit bona ut adhuc Palladem conci-  
liaret ei suos magnæ spei filios commendavit,  
in quibus Pietas superos modestia superiores,  
diligentia ceteros movet, delectat excitat ad  
similia Crescent tandem hi surculi eruditis ir-  
rigati fluentis in magnum Domus suæ decora-  
mentum, nec sine certo Patriæ fructu. Tu mi-  
hi tandem materia laudis es Perillustis Et  
Reverendissime Domine Mecænas Amplis-  
sime ultro se penna proripit in Tui elogij cur-  
sum cui se meritorum Tuorum abundantia pro-  
sepia offert. Strepens per æthera fama pro Præ-  
cone Dulce est sed Et laboriosum ad Tuæ In-  
dolis descendere prætextū in qua adhuc pumilio  
a sed



sed virtute maturitateq; ingenij Virum agebas.  
Primævos ætatis annos Craciæ dedicasti Mi-  
nervæ nec Gorgoneum Ejus horruisti scutū,  
quod alij etiam non visum fugiunt. Tunc  
delicium erat videre Te Puerum scholasticæ  
immorantem arenæ, Castalijs innatantem fon-  
tibus per Tulliana spatiantem tempe Phi-  
losophicum navigantem per æquor, hono-  
rum attingentem portum. Dic de Te ipso  
quantus tunc eras dum Te Studentem Pal-  
ladem stupentem vidisti, dum cæteros cap-  
acitate ingenij morum elegantia in studijs  
sedulitate gloriosior Theopompus Superabas,  
Virtus Tua Heliconijs lota in fontibus alti-  
orum Te honorum Candidatum fecit. Ul-  
tro Te ipse ambiit honor non ut Te de-  
coraret, sed ut decoraretur à Te. Cathe-  
dralis Kijoviensis Ecclesiæ dignitas Te suo  
gloriaturo Canonico quem factis meritisve  
Tuis exornas. Molestus Tibi erat continuus  
de Te concursus ideo Zakliczynensem Præ-  
posituram quæ Te suo letabatur Prælatoul-  
tro dimisisti. Sed & hic honor quem resigna-  
sti gloriosior à Te redijt magno Canonico. Sui  
fortuna gaudens, quod à Te fuerit quandoq;  
acceptatus. Ecclesiæ Collegiata Woinicien-  
sis



sis Scholasticus dignissimus Scholam virtutum  
agis, in qua quilibet habet quod discat. Libe-  
ralitatem Tuam & rarum à superis donum  
in egenos munificentiam perenni eccone Tua  
facta loquentur famem quod liberali multorū  
sustentatione depulisti eviternā meruisti famā,  
hocq; alimento quō bacchante carie multorum  
indigentiam & hiantia refecisti ora Tuorum  
rectefactorum vivere memoriam fecisti. Pun-  
ctum est quod dixi respectu Tuorum rectefacto-  
rum magnitudinis, si plura dicere vellem Tu  
omnia sub rosa esse jubes quæ in flore esse fe-  
cisti. Magnus animarum Pastor es quas do-  
ctrinæ pabulo alis virtutum exemplo erudis.  
Sed de Te tacere mandas Decorē Domus Dei  
adeo dilexisti ut cuncti stupeant elucem Tu-  
am in cura Ecclesiastica in superos amorem  
magnus in sacris exedris Orator, fulmina non  
verba jadis ut vitia virtutibus cedant. Hæc  
quæ dixi pauca sunt sed tamen magnifica quia  
Tua, Plura quæ fecisti & facis supra pennā  
sunt, exiguiq; folij margines excedunt. Feli-  
citati honoriq; suo adscribunt magnæ SZEM-  
BECIORVM, IORDANORVM, LIGEZO-  
RVM, TASICCIORVM, OSIECCIORVM,  
IAKLINSIORVM, STRADOMSCIO-



RVM, CHWALIBOGORVM, CHRONO-  
WSCIORVM, WYSOCCIORVM, MI-  
CHALCZEWSCIORVM, GROCCIO-  
RVM, IABLONOWSCIORVM, PALV-  
SCIORVM & plurimorum *perample Domus*  
*quod Tuæ se adjunxere familie. Tuam ergo*  
*Domum tot & tantis decoribus virtutibûs ac*  
*meritis conspicuam de Cælesti sede prospiciens*  
*Thaumaturgus D. IOANNES NEPOMV-*  
*CENVVS suam famam Ei adjungere, elegit,*  
*dum ad Tuas manus Oratoria gradatione*  
*transit. Suscipe ergo Mecænas Amplissime*  
*Tullianis coloribus delineatum IOANNEM,*  
*Ille Tuam faciet perennare famam Tuum No-*  
*men altissimis decorabit honoribus, suâ lingvâ*  
*incorruptâ pro Tuis successibus perorabit, mil-*  
*lena cum incolumitate Vitæ Cælo mittet ab Al-*  
*to sæcula quod ego precor.*

Magni Nominis Tui  
Venerabundus Cliens  
& humillimus servus  
Author Operis.



# ORATIO.



Ollitis stuporem forsitan animò ,  
quòd ad primum Vaticanæ sedis  
Nuntium in angusta hac, sed primæ-  
va Metropolitanæ Urbis basilica sug-  
gestum conscendo Oratorium. A A.  
Sed decet convenitq; ut Regiæ quondam, nunc  
omnium famæ servator, cui infallibilibus Urbis  
& Orbis decretis Cælestes triumphus destinantur;  
habeat sibi Tullios respondentes. Et quamvis  
publico hoc ejusdem plausu Eloquentissimi a-  
beant in stuporem, vel mea tamen admiratio in  
expressa decet Elogia convertatur. Ad serenū pu-  
blicæ lætitiæ jubar, ex umbroso Academi luco  
prodeat necesse eloquentia ex Peripato diserti-  
or accurrat svada, ex erudita Stoa sistat ore quā  
pede prōptior Cyllenius, quando emerita Divi  
*Ioannis* Virtus Quirinali decretò è Beatorum se-  
de ad Sanctorum solium evocatur. Postquam

B

enim



enim non jam Apollinis tripode, sed certiori  
BENEDICTI XIII. oraculô *NEPOMUCE-*  
*NÆ* Sâctitatis per Vniversû increbruit fama, in  
communis plausûs tripudium Europa profiluit,  
& pari lætitia nostra Sarmatia assurrexit. Ultra  
cognatâ nobis Bohemiam in latepatentes Po-  
loniæ campos *Sanctus JOANNIS* procedit  
honos, nec aliter Vrbes, aliosq; cultos homi-  
nibûs locos transire fatagit, nisi ut ubiq; laudib9  
suis campum aperiat Oratorium. Quod dabitur  
de vocibus verbisq; *NEPOMVCENO*, id E-  
jus in vestrâ cedet silentio, & qui honor ex-  
hibebitur Sâctitati, ab servatum id proximi ho-  
norem fieri certò arbitremini. Eant assensu ve-  
stro in triumphales ignes optimo bonæ Famæ  
Tutori Oratoria lumina, ideo uel maximè, quia  
illis Cælestia *JOANNIS* Sidera copulantur.  
Pleno Elogiorum alveô Tullianum volvatur  
æquor, quia illi Moldava Fluvius *NEPO-*  
*MVCENI* Martyrij instrumentum adunatur.  
Adsit copiosus Isocratis numerus, quando o-  
mnibus numeris absoluta *NEPOMVCENI*  
*Sanctitas* illi non deest præfētissima. Verûm &  
si facundiâ Arpinas essem, ominò ad incorru-  
ptam *NEPOMVCENI* lingvam tacere,  
ad stupendum secreti silentium, nec minimû  
loqui



loqui deberem. Quoniam ad *Nomen* *JO-*  
*ANNIS* quò nemo Surrexit Major humana  
ingenia decrescunt, ad sigilli Confessionalis ser-  
vatores, etiam vocales Pericles obmutescunt.  
Magnum si quidpiam mente aliquis voluit, Ma-  
jor est noster *JOANNES*, floridum si conci-  
pit verborum apparatus, floridior *Sanctitate*  
*NEPOMVCENS*. Habuit quidem triū-  
phatrix Pyrrhi potentia parem Cyneæ in sui præ-  
conium Eloquentiam, & victrices Trajani ado-  
reæ Plinium nactæ Oratorem, non defuitq;  
Claudiani Musa, quæ gloriosum Orbi, uti par-  
fuerat celebraret Stiliconem, sed excelsum *NE-*  
*POMVCENÆ* majestatis fastigiū, ut suppari  
atingatur elogiō, pridē etiā sublimē dicēdi svadā  
noscite excessisse. Si quondam ad profana fictorū  
Numinum delubra, non ex omni ligno stetit  
Mercurius, ad Sacratorem D. *JOANNIS*  
statuam ex quo poterit precor efformari. Ten-  
dendū tamen ad supereminens Divorum splen-  
doribûs augustale tendendum, & in sublimē *NE-*  
*POMVCENÆ* gloriæ culmen enitendum.  
Vtiq; canoros Olorum sonos pumillæ æmulan-  
tur lusciniæ, Aquilarum clangoribus vocales  
sociantur alaudæ, quinimo ore minori ac inge-  
nio semper non renuunt Numina magna coli:



ideo quamvis Tullianis non suppar rostris,  
quamvis fluidâ dicendi non instructus copia, ni-  
hilominus Divinissimi Indigetis Sanctos hodie,  
pridem tamen illi debitos audebo celebrare ho-  
nores. Vix ita temerarius censebitur ausus; qui  
suffragante Adalberti remò sese *NEPOMU-  
CENÆ* gloriæ committit pelago. Pericli-  
tantis insuper famæ partes suscipio, illi D. *JO-  
ANNEM* Patrem Tutoremq; eligo, hic re-  
mîs velisq; non deerit, ut ad fortunatas adnavi-  
gem Insulas intentorum. Fama Tytanis Ter-  
ræq; propago, opinionis comes, auræ com-  
munis focia, tot exposita periculis, quot ob-  
via locis. Si mari navigat syrtes Charybdesq;  
incurrit, si terram pervadit, lapides offensionis  
non effugit. In aulis Principum vel ad purpu-  
ras erubescit, ubi candida esse deberet pallefcit,  
ubi secura, timet: & ubi innocens Nomini suo  
calumnias videt exprobrari. Exul ubiq; ac ex-  
tors planè Scythicas patitur injurias, cum se-  
cum nullibi fixa Domum debeat circumvehe-  
re. Plausus illi plaustrum, sed quàm sæpe for-  
midandum, quò nunquam Civitatem refugij  
invenit, toto plane Orbe errabunda. Quare  
periclitanti ego Famæ de novo providebo re-  
fugio, tutissimum ab injurijs monstrabo locum  
& na



& ne avernales Furiae Zoilorumq; illi noceant  
lingvæ, firmissimum præsidium procurabo. Di-  
vinissimus **JOANNES NEPOMUCE-**  
**NVS** pridem voce populi, noviter Romanis  
decretis Sanctus hocce suscipiet patrocinium,  
quando eundem Famæ periclitantis Asylum  
Oratoriâ Panegyri venerabor.

Permites in primas Sanctitatis Tuæ lau-  
des imbelli prorumpere svadæ **JOANNES**  
Divinissime. Ne opprimar, gloriæ Tuæ nolo  
esse comprehensor, sufficiet si cum periclitan-  
ti Fama titubans Eloquentia gratiosum apud  
Te inveniet Patrocinium. Potens à Nominis  
cognominisq; ethymo es, valebis pro Nomine  
Tuo decertanti ferre dareq; suppetias. Pe-  
riclitanti famæ præsto adest **NEPOMUCE-**  
**NVS**, adeste vos laboranti pro **NEPOMU-**  
**CENO** Eloquentiæ AA. Ille Famæ conce-  
dit gratias, vos dicatæ illi svadæ favores vestros  
non negate.

Vastus spatiô, rerum congerie repletus, o-  
pibûs ditissimus orbis, nihil tam pretiosum, tam  
æstimandum recenset, quod meritò inæstima-  
bili bonæ famæ valori cōparetur. Promat hic ter-  
ræ visceribus inclusum aurum, ad splendorem  
id famæ expallescet. Exponat pretiosas Neptu-  
C ni



ni merces ad pretium famæ vilescant. Osten-  
tet spectatori oculo ingentem Ditis opulentiā,  
operosos Midæ thesauros, Attalicas ostendet o-  
pes, omnia hæc ponderosum famæ talentum  
prævalebit. Quid pretiosius vitâ, attamen hæc  
in pignus boni nominis exponi gaudet læta-  
turq; Vestram hic generosæ mentis magni He-  
roes appello fidem. Nonne vestris incommo-  
dis castra sequimini, aciem instruitis, adversis cō-  
curritis gladijs, ut in vestrum triumphum famā  
boni Nominis deducatis. Vulnera admittitis,  
fangvinem funditis, animam agitis, ut spiritu  
famæ æternū animemini. Advertat igitur glo-  
riofus gestator Nominis quantum sit periclitan-  
tis famæ dispendium, quæ etiam pretio vitæ cō-  
paratur. Quinimo amore famæ odisse vitam  
gloriosum, eandem in acquirendo bono nomi-  
ne amittere, citra detrimentū. Famam si perditam  
lugeamus, vivere quid prodest, in ipsa vita tot mor-  
tes experimur, quot famæ nostræ numeramus ca-  
lumnias Vt opes serventur, gazæ thesauriq; præ-  
sto, ut vita conservetur, tot adsunt propugnacu-  
la, etiam famæ providendum, ut suum habeat  
patrocinium. Græciam Achilles, Troiam quō-  
dā tutat⁹ Hector, periclitātī nunc famæ gratiosū  
patrocinatur Asylum D. JOANNES NE-  
PO.



*POMVCENVS.* Causam inquiritis? pro il-  
lius argumento intaminatae vitae videte origi-  
nem. Nimirum primam vitae in Oppido Pomuk  
auspicatur lucem; ut vel ipsa notatione loci A-  
sylum periclitantis famae denotetur, Materno  
susceptus ab utero, dum suis natalibus grandae-  
vos recreat Parentes, eodem instanti Pænares  
suos Cælestium flammarum circumdat splen-  
doribus. Adesto huc Phæbo dicata cohors,  
& quid hujusmodi præfagiat Cometes? omina-  
re. Tenellum Infantem si Diviniorem prædi-  
xeris, Paridam, non desunt igniferæ tædæ, qui-  
bus pro Troja, vitiorum Metropolim agat in fa-  
villas, Si extra fabulam Alcmenæ nuntiaveris  
prolem, Hydrea detractionum capita funestò  
rogo tumulabit. Si denique periclitantis famae no-  
minaveris Asylum, veritatis non excedes Orbitam,  
quod ad instar mæniorum Sydereis flammis cir-  
cumdatur. Talis ut certius in publicæ præsidium  
famæ, evasisset Infans, hujus Nomine, quò ma-  
jor non surrexit in Sacro insignitur baptismo  
& bene: Nam sic *JOANNES* & Virtutis ma-  
gnitudine, & ope gratiarum par surget pro cu-  
jusque fama decertare. Ideo videre erat, qua a-  
mænitate ac Parentum lætitiâ à baptismalibus  
revocatus undis excipiebatur *JOANNES*,



sed non absq; doloris adminiculo, cū invida  
tantæ felicitati fata, fatale è cunis Neonato In-  
fanti edolare feretrum molirentur. Deploran-  
dus mortalium status, cuius fortunæ punctum  
infortuniō terminatur. Risus & gemitus alter-  
nō redeunt chorō, & gaudiorum meridiem  
sæpenumero sequitur occasus luctuosus. Vix  
enim frontis serenum *JOANNIS* explicuere  
Genitores, en illud mæroris nubibûs teme-  
ratur, atq; confestim in largiorem imbrem resol-  
vitur lacrymarum. Spectant equidem videntq;  
luctuosi, quàm velano furore funestum intume-  
scens malum morbido Ariete gratiosum con-  
cutit Asylum, ut sanitatis fundamentō motum  
facilius expugnetur. Certè suo frustraretur mo-  
limine, nisi castrorum Acies ordinata Maria sup-  
petias illi ferendo Asylum *JOANNEM* de-  
fenderet. Reviruit tandem in pristinum vigo-  
rem marcidus Infantiae flos, quem Cælo usq;  
serenō evocata enixis Parentem Suspirijs plu-  
via irrigavit salutaris. Firmata tum Divinioris A-  
sylli mænia, nam hæc langvorū ariete diruta, pro-  
digiosa Mariæ dexterâ fuerunt reparata. Tor-  
ques erat Virginis Sacratissimæ gratia, quæ jã  
infantilibus eluctatum cuius *JOANNEM*  
in suas partes attraxit, ut candorem innocentis  
Juven-



Iuventæ immaculato devovens lilio sacris red-  
didisset obsequentem. Vtinam spectaretis AA.  
qua cordis puritate, oculorum modestiâ, men-  
tis sedulitate, voluntatis promptitudine post ty-  
rocinia innocentis vitæ, Missæ sacrificio in dies  
ministrabat. Ille unicum servire Mariæ tantū  
æstimabat, quantum nec Imperium promeretur.  
Verè Asylum *JOANNES* ad Turris Da-  
vidicæ propugnaculum. Verè gratosus Ille ad  
gratiarū pleniluniū Mariam elucescit, Montis  
Viridis clivum dum virtutis æmulatur celsitudi-  
ne, hanc mentis magnitudinem cū sublimie-  
ruditioni sociare intendit, non aliunde quàm à  
Deiparæ sacrario ad musarum Palladium, ex  
excelsō pietatis monte ad Parnassi colles descen-  
dit, quod prodesse hominum famæ natum se  
scivit, eò sedulius humanioribus disciplinis in-  
cubuit. Terreant alios scientiarum rudimenta,  
trepident pusillanimes ad difficultatum farragi-  
nem, illam D. *JOANNES* magnanimo  
aggresus nisu, hanc mentis lumine dissipavit.  
Et licet ad eruditionis splendorem non rarò pro-  
bitatis eclipsatur, claritas, nihilominus *NE-*  
*POMVCENI* animus ad syntaxeos regulas  
bene regulari, ad Pœticos pedes de virtute in  
virtutē transire, ad Rhetoricos flores modestiæ vi-



olas, patientiæ roſas, caſtitatis lilia explicare no-  
vit *JOANNES*. Gaudebat tanto ingenuo  
artis cultore Zateciana Pallas, Aſylumq; pro-  
bavit, cui Parnaffus ad munimen, Muſarum  
chorus ad præſidium, rotundæ periodi, in glo-  
bos. Oratoria lumina in pyrobolos ceſſere,  
Amplioribûs ſcientiarum fluentis conceptam in  
animo ſtudiorum orexim ſatiare cupiens, Pra-  
genſe adit Lycæum, ne ſolæ Athenæ geudeant  
Aſylo. Iam D. *JOANNES* eruditione arma-  
tus decumanas difficultatum aggreditur pha-  
langes. Iam Philoſophico Theologicoq; mari  
perplexitatum tumefcenti procellis glorioſius  
Xerxe injicit compedes, jam ignorantiaſ hoſtem  
adeò fugat, ut Pragenſis Minerva perfectum  
teſtatura victorem, emerita D. *JOANNIS*  
tempora laurûs coronet ternione. Populetur  
excelfa turrium propugnacula horrendum ful-  
men, diruat turrigeras Caſtellorum moles, Aſy-  
lum gratioſum tantò Orbis exitio intactû, quia  
laureatum triumphabit. Parum erat *NE-*  
*POMVCENO* vertici ternas Doctôratûs  
geſtare laurus, niſi etiam Myſtarum areolâ vin-  
ceretur, ut ſanctuario propius Aſylum, eò ſe-  
curius periclitanti famæ fieret domicilium, quò  
majus piaculum eſſet illud attrectare. Vix

Myſtes



Myſtes factus, illico vocatione Superûm, popu-  
li deſideriô ad ſacra evocatur roſtra, ut emortu-  
as Cælo animas, Eccleſiaſtico ſpiritu animet.  
Tunc in Bohemico Orbe maximè periclitaba-  
tur fama, dum ſua exemplaria pro virtutum can-  
dore, vitiorum fuligine ſignabantur. Omni-  
potentis Icones, in avernalia degenera-  
bant monſtra. Humilitas ſuperbiæ, caſtitas  
luxuriæ, liberalitas avaritiæ, univerſa deniq; pro-  
bitas improbitatis aſſumebat larvam. Tanto  
malo D. *JOANNIS* prædicatio aderat ſco-  
pulus, cui malignantis ſcleris aliſa navis perennè  
ſenſit jacturam. Fulmen ſuperbarum mentiû  
faſtus, ad Divorum uſq; ſurgentes palatia hu-  
militatis vallibus impingens, non jam nimbife-  
rum aſtrum in procelloſo Mundi navigantibus  
mari, vitioſis Navarchis ex lacrymarum imbre  
tempeſtatem, ex hac ſcleribus naufragium præ-  
ſtitit *JOANNES*, dum ille Superûm tutaba-  
tur famam, flagitioſos infameſq; hoſtes procul  
amovendo. Videbat id Archipræſuleus *JO-*  
*ANNIS* oculus, ponderatâ in lance judicij  
*NEPOMVCENA* Virtute, ut eam debito  
præmiaret honore, *JOANNEM* Canoni-  
cum Cathedralis Eccleſiæ creavit. O Beata  
ſæcula ! quibûs honorem in donum probita-



tis abire observare concessum. sæpius hic in molles sybaritarum, quàm in emeritos Catonum volvitur lacertos. Pulchra certè honoris species, si tamen ambitionis habeat fundamentum in genus abit vitiorum, Ortum honorem inter & *JOANNEM* singulare certamen, ille Litomericensem offert Tyaram, hic caput removet, ille Præposituratus Vissegradensis exemptam apponit sedem, hic ab illa declinat. Stetit pro partibus honoris Imperatoria Venceslai Authoritas, hanc *JOANNIS* modestia explicavit. Vicit tandem positionem honoris negatione D. *NEPOMUCENSIS*. Ne tamen dignitaria frustraretur humanitas, Cæsareum libens conscendit suggestum, mox vivaciùs Pericle augusta fulminaturus vitia, & beatiùs dare quàm accipere sentiendo, Elemosynarius fieri non recusavit, tot in suppetias habiturus Superos, quot Iros facit ditissimos. Placuit hæc Imperatrici *JOANNÆ* D. Asyli potentia, idcirco unicam conscientię famam per secretum confessionis eidem concedidit, omnem securitatem ad hujus moditamen autumando. Miram *JOANNÆ* prudentiam, quæ adeò tranquillum periclitanti famæ adinvenit refugium, ubi contra infamię dece-



decretum militat præscriptum. Nimirum ream quantumvis conscientiae judicabit testis, publicum testimonium asseret innocentem. Tentaverat opportuno tempore inæstimabile Reginae clenodium famam Venceſſai curiositas adire, sed intentato explosus nisu, quia in fortitudinis munitum petrâ incidit Asylum. Blando primùm ad serenum vultûs hoc circumdedit obsidiô, attonita *JOANNIS* maturitas id confundit. Ingentia promissionum explicuit munera, ad sigilli pondus illa viluere. E-lusus itaq; suo molimine Cæsar, ab incepto redit opere, grandiores contra Asylum machinas paraturus. Tanto lassatus conamine cupit vires reficere, quæ nam illæ sint. Tyrannis est, quæ ministrum Culinæ, quod malè, suo inserviret palato in victimam Mulcibero destinavit. Obstupere Aulæ Cæsareæ Proceres scythicis vix petitum oris truculentum edictum. Ingemuit subditum famulitium, ad novam Phalaridis barbariem, terrorq; dominatus in omnes. Defuit ne funesto Neroni Seneca, Davidi Nathan, Hærodi Baptista? minimè. Vnus è cunctis Venceſſaum adit *JOANNES* ut crudelitatis nebulas quas Augustus contraxit Titan scrutaretur. Dissvadet probitatis Actor infandam crudelita-

E



delitatis thesim, monstrat Regale sceptrum  
abire in spectrū, dum sævitia generat scorpiones,  
malum non Imperatoria præhendendum ma-  
nu, quod inclementiæ explicat mala, purpurā nō  
Cæsareis aptā humeris, quæ atrocitatis tineam  
conservat. Vtq; nefariam efficacius crudelita-  
tis flecteret mentem, à circumstantijs desumptō  
argumento non contentus, aliud à tremendi Iu-  
dicii Divini exemplo in medium majestatis pro-  
duxit. Obturavit Venceslai aures insanus fu-  
ror, ne tam salutare auscultarent monitum. Clau-  
sit Cæsar oculos ne sacro Oratori annuere vi-  
deretur. Majora dicam è grano *NEPOMV-  
CENI* verbi, in Cæsarei pectoris agro, pro  
virtuoso frumento, vitiosa pullulavit herba, dū  
gratiosum Asylum in carcerem amandatur.  
Tulit ferocientem, Venceslai Nemefin *JOAN-  
NES*, magisq; carcere, quàm Aulâ, tenebris quàm  
luce, abdito quam spectaculo nefarij Princi-  
pis gaudebat. Mox redditus suæ menti Impe-  
rator, cū ruminat, quantum adversus Eccle-  
siaſten suum peccaverat, illum placaturus ad  
sumptuosas honorificè invitat dapes. Quid a-  
ges D. *JOANNES*, huius ne invitationi  
parebis, qui Divinum despexit mandatum. A-  
sylum gratiosum si es? verendum ne hic Anni-

bal



baltuæ fortitudinis Alpes non iam aceto, verum  
surrentino edomet falernò. Aurea pocula plus  
quam terrea tela sunt, tuo exitui parata. Map-  
parum candor vix sinceritatis continet umbram,  
Epularū ferculis fraudū condimentū est admistū  
Ipsi argentei orbes non desinent in Tui perni-  
tiem rotari. Nempe Imperatoris huius Mater  
Nemesis, Sorores cum tristi Lachesi crudeles  
Furiæ, vel exinde conijcite, quia Carnifex Pa-  
trinus huic Cæsari vocabatur. Sed majora su-  
biturus pericula *JOANNES*, has terrorum  
Imagines minimè pertimescit. Deserit claustrū,  
serenissimū petit conclave, ubi humanitatis exhi-  
bito homagiò, Cæsareæ assidet mēsa. Tractat ex-  
pectatum hospitem Imperator densas liberali  
dextera propinat pateras, ut vinario obrutum  
diluviò Asylum, eò facilius vacillet, ad vota-  
q; Augusti inflectatur. Credidit malè perversus  
Venceslai animus istius modi stratagemma iam  
sibi prosperandum fore, ideo multis ambagibûs  
præmissis iterum ad suæ vecordiæ devenit con-  
clusionem. Nimirum periclitantem conjugis fa-  
mam notitiæ compedibûs ut vinciat, verborū  
lenociniò Asylum demulcet gratiosum. Fru-  
stra Augustæ tuæ conscientiam Imperator non  
explora, vinctas hæc in vitæ fædera dedit ma-



nus, in tuum quidem cessit conjugium, sed partem sui potiore animum nempe soli DEO reservavit. Quod ad secretum Confessionis deferret Tribunal, cur hoc sciendum prætendis. Ne leges Imperatoriæ vim patiantur caves, cur in Divina jura involas? DEI est arcana cordium nosse, exploratorem verò similium crede Imperator non Cæsareum. Falleris nempe opinione Tua Venceslæ, tam vefanus periclitantis famæ dispendiò conceptus ad optatum non deveniet effectus portum. Instrue reciproca Methodo mollia verba duris verberibus blanditias, minis permista tormenta instrue. Divinissim⁹ **JOANNES** byssina verba rationum severitate confutabit, lusoria minarum fulmina patientiæ fluctibus extingvet, tormentorum machinas infractis fortitudinis excipiet muris. Factum est quod dixi AA. Nihil profuere Cæsaris postulata, nihil verborum terror, nihil cruciatuum ostentationes profuere. Attendite quid ultra inflammata machinatur bilis, Asylum gratiosum truci obsidiò ut cingatùr mandat. O nefandum sacrilegium! temerario ausu illud violare Asylum, quod speciale privilegium ab humana exemptum malitia testatur. O improbum piaculum! ad immane D. **JOANNIS** supplicium



plicium Superum attrectare pupillam. Moven-  
tur suo loco pro Mænijs Asyli membra, Divi-  
nus tamen animus ad desideria Venceslai non  
movetur. Vstulatur facibus innocentis corpo-  
ris propugnaculum, ast hæc Regiæ curiositati  
in famosum rogam, Asylo gratioso in pyras  
abeunt triumphales. Superis propitiis superavit  
innocentia scelus, sigillum curiositatem, forti-  
tudo tormenta. *JOANNES* Venceslaum,  
qui triumphale D. *NEPOMVCENI* tro-  
phæum ægre ferens indignationis suæ agitur  
furore. Tremat, ardet, æstuat, pallet, rubet, mi-  
cat oculis, vocem abrumbit, profilit, in se un-  
gues expedit, Cælum terramq; impugnat, qui-  
bus tegitur ac vivit, corrumpit, deijcit, discer-  
pit. Ita furibunda vexatus rabie, non alio hu-  
jusmodi contagio mederi pharmaco svadet ma-  
lignitas, nisi fatò *JOANNIS*. Audivit indi-  
gnatio, quod cæca inquietæ mentis suggessit  
passio, et ut vitiorum mos cunctatione rejecta  
in Moldavæ fluvium Asylum gratiosum præ-  
cipitari jubet, sperans suos furoris æstus his  
fluctibus extingvi. Obediunt Imperanti Do-  
mino satellites, sub obscurum noctis in frigidas  
Asylum proijciunt undas, ne periclitanti famæ  
amplius pateret. Gavissus tanto facinore Cæ-

F

far



far, ast illius Camænæ suis abundarunt næniis,  
dum auscultat quomodo Cælestes flammæ dissi-  
patis tenebris gratiosum periclitanti famæ ma-  
nifestant Asylum, quomodo id humanior ipso  
Neptunus ad marginem deponit. Exeste  
jam scelerati nilus, vestri terminantur in-  
sultus, postquam ex undarum fundo, in ex-  
cellsum gratiosum Asylum cluctatur Olympū,  
unde majorem periclitanti famæ præbeat tu-  
telam. Adfert documentum illius monu-  
mentum, cuius attrectare temerario ausu li-  
mites, grandem infamiæ notam est subire.  
Vos appello an iniqua suspitione mortalium?  
an proprio facinore infames redditi, toties utiq; in-  
famiæ periculum effugistis, quoties pia oratione  
ad Asylum gratiosum stetistis. Ergo Io tri-  
umphe septemtrio, cui Divina benedictio-  
ne plenus **BENEDICTVS XIII.** Asylum  
gratiosum in splendoribus Sanctorum! Divi-  
nissimum **JOANNEM NEPOMV-**  
**CENVM** hodie proponit adorandum. Et  
licet Vniversum ab Aquilone pendeat malum,  
hoc bonus periclitantis famæ Patronus in for-  
tunatos transmutabit eventus. Si quispiam  
gelidus es, ad **NEPOMVCENÆ** gratiæ  
incallesces ardorem. Evola in tripudiantis  
læti-



lætitiæ plausus Ales Sarmatica, & Neo coronatum reverenti palpebra intueri Phæbum, illius gratioſo animata radiò, eò audentiùs Polono Iovi Lechicæq; Reip: Polo rebelles fulminabis Gigantes. Non amittes niveum glorioſæ famæ candorem, quem ab infamiæ fuligine *Diviniſſimus JOANNES* conſervabit. Pridem jam ſub Mariæ Patrocinium Literata ceſſit Confraternitas, pridem cultui Mariano addicta, aut mediatricem apud DEVM habeat Virginis innocentiam. Gaudet hæc ad devotam erga Matrem DEI mentem, promptum erga *JOANNEM* habere animum. Vtrinq; firmiſſimum in periculis rebusq; dubijs Aſylum MARIA & *JOANNES*, utrumq; gratiarum nomen, quid non favorabile? addictis ſibi præſtabit Clientibus. Anguſtis quidem ædibûs Mariæ & *NEPOMVCENI* præhenditur cultus, ſed Cælorum Auguſta promeretur Quidnamq; ab evidentibus Mariæ beneficijs ſortiri non poteſtis, qui & *NEPOMVCENI* ſecretò, Deum erga vos obligatis. Attollite geſtientium gaudiorum portas Craciæ Turres, & ingredientem excipite Sanctitatem, abhinc jam ignominia non patebitis inſultibus gratioſo Aſylò



vos salvante. Acclina Regiæ Defensori fa-  
 mæ Regia Studiorum Mater Vniversitas Cra-  
 coviensis sceptrâ & plus quàm tertium com-  
 putans sæculum, Tuam *Divinissimi J O-*  
*A N N I S* lingua coram superna Re-  
 gis Regum Majestate gloriam promovebit.  
 Lita Academicas Lavros laureato Martyri, &  
 has copioso protectionis rore irrigabit. Præ-  
 sto jam adsunt tuo plaudentes honori devo-  
 tæ mentes, illas patrociniò Sanctarum gra-  
 tiarum digneris coronare. Pandas pro-  
 tectionem gratiosam & famæ pericli-  
 tantis Asylum Omnibus gratiosum  
 apparebis ut hæctenus

D I X I.

